

*regio in perit*  
53 Las qu'on verra grand peuple tormenté  
Et la loy faincte en totale ruine  
Par aultres loyx toute Chrestienté,  
Quand d'or d'argent trouue nouvelle mine.

54 Deux reuolts faits du malin falcigere,  
De regne & siecles faict permutation:  
Le mobil signe à son endroict si ingere  
Aux deux egaux & d'inclination.

*Strong & Probile in a - faind - propis*  
55 Sous l'opposite climat Babylonique  
Grande sera de sang effusion,  
Que terre & mer, air, ciel sera inique:  
Sectes, faim, regnes, pestes, confusion.

56 Vous verrés tost & tard faire grand change  
Horreurs extremes, & vindications,  
Que si la lune conduicte par son ange  
Le ciel s'approche des inclinations.

*Cæsar*  
57 Par grand discord la trombe tremblera.  
Accord rompu dressant la teste au ciel:  
Bouche sanglante dans le sang nagera:  
Au sol sa face ointe de laiçt & miel.